

Los relativos.

Son palabras que se refieren a un antecedente yá amentáu p'avitere la sua repitición rrellacionando una oración prencipal cun outra subordinada.

Son átonos n'escontraposición los entrugativos tónicos.

Los relativos pueden facere qu'una oración dipenda d'un sustantivu: **El botiellu, que xantéi ayeri, yera bonísimu**, d'un axetivu: **Lu bien que sienta un butiellu cun esti friéu**, d'un alverbiu: **Siempre que quiero falare ta copáu**.

Cuandu la oración rrellativa nun tien antecedente, ésta puede exercere la función de sustantivu: **Cuandu vinu you taba encá la mai**, ou d'alverbiu: **Onde pisa, nun medra la yerba**.

- **Que**: Puede referise a presonas ou cousas, furrulando comu suxetu: **La casa que merquéi fou mui cara**, ou compimentu: **La enfermera que vinu yera mui tarusa**.
- **El cual / la cuala/ lu cual/ los cuales / las cualas**: Utilízanse n'oraciones más formales: **Estoupóu una nubre mui fuerte, la cual fuliminóu'l cautivu**.
- **Quien / quienes**: Pueden sustituyire a **que**, **el cual**, **la cuala**, **los cuales**, **las cualas** cuandu desempennan la función de suxetu y refiérense a presonas: **La muyer, quien taba de pinote, yera la mia suegra**.
- **Onde / ou / u**: Rellativu de lláu que puede sere sustituyíu pur: **en que**, **nel cual**, **na cual**, **nos cuales** y **nas cuales**: **La ciudá, onde vive, mentóu-ye fiyu predileutu**.
- **El que / la que / lu que / los que / las que**: utilízanse p'avitare repiticiones: **¿Qué paquetes son? Los que tán a la dreita**.

- **Cuyu, cuya, cuyos, cuyas:** Rellativu cun sentíu de posesión.
Ex.: L'home, cuya rebeildía yera proverbial, fou xulgáu.
- **Cuantu, cuanta, cuanto, cuantos cuantas:** Utilízase ensín antecedente, pudiendo furrulare comu axetivu ou sustantivu. Comu axetivu acompaña un sustantivu concordando ne xéneru (masculín ou femenín enxamás en neutru) y ne número (singular ou plural). Ex.: **Cuanta más riqueza tienen más quieren.** Comu sustantivu non contable sí puede apaecere cun xéneru neutru. Ex.: **Pidienun la documentación a cuantos fuenun.**